

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 08.01.2018թ. թիվ 1807398162 որոշումն անփոփոխ, իսկ վարչական բողոքն առանց բավարարման թողնելու մասին

<< 05 >> 03 2018թ. 174-19041-18/18-4-3395

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Էլինա Պողոսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Ավան վարչական շրջանի Դուրյան թաղամասի 45 շենքի 38 բնակարանի բնակիչ Էլինա Պողոսյանը դիմումով իր անհամաձայնությունն է հայտնել Ճանապարհային ոստիկանության վարչական տույժ նշանակելու մասին 08.01.2018թ. թիվ 1807398162 որոշմանը՝ նշելով, որ Երևան քաղաքի Երևան քաղաքի Բաղրամյան - Վ.Համբարձումյան - Երզնկյան փողոցների խաչմերուկի հատվածում տեղադրված 5.15.1՝ «Երթևեկության ուղղությունները գոտիներով» ճանապարհային նշանը նախատեսված չէ ՀՀ կառավարության 28.06.2007թ. թիվ 955-Ն որոշմամբ հաստատված Ճանապարհային երթևեկության կանոններով:

Դիմումի քննարկման արդյունքում պարզվել է, որ դիմումատուի փաստարկը վարչական ակտը բեկանելու հիմք չի կարող հանդիսանալ, քանի որ ՀՀ կառավարության <<Ճանապարհային երթևեկության կանոնները՝ և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> թիվ 955-Ն որոշմամբ սահմանված՝ 5.15.1 «Երթևեկության ուղղությունները գոտիներով» ճանապարհային նշանը մշակված է նմուշի ձևով, սակայն խաչմերուկի առանձնահատկություններից ելնելով մշակվում են այլ տարբերակներ:

Այսպիսով Երևան քաղաքի Բաղրամյան - Վ.Համբարձումյան - Երզնկյան փողոցների խաչմերուկի հատվածը՝ կահավորված է 5.15.1՝ «Երթևեկության ուղղությունները գոտիներով» ճանապարհային նշանով, իսկ դիմումատուն 24.12.2017թ-ին ժամը՝ 14:07-ին նշված վայրում միայն հետադարձ և ուղիղ թույլատրող երթևեկության գոտուց երթևեկել է ձախ, հետևաբար թույլ տվել վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 08.01.2018թ. թիվ 1807398162 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Էլինա Պողոսյանին և ՃՈ ՏՄՀԽԱ կենտրոն:

Մարգարիտ



Ե.Կարապետյան